

# Phama na ndoho ya vele

Mutsari i Margot Bertelsmann

Mukombisi i Chantelle uye Burgen Thorne



Phama a ri na ndoho ya vele. Manana a nga swi tivi leswaku i ndoho ya masingita.

“Siku rin’wana, ndoho leyi yi ta phamela tiko,”  
ku vula Phama

Manana a hleka.

Phama u byarile ndoho ya yena kutani yi kula,  
yi kula swinene. Yi kulele ehenhla swinene, kutani  
yi nyamalala emapapeni.

“Ndzi ta khandziya ndzi ya fika kwale henhla,”  
ku vula Phama.

Tatana a hlekula.

Dyirito ledyikulu dyi bokoloka.

“Nuhwetela-tshutela-hlekelela-humesa moya! Ndzi twa risema ra ngati ya xihlangi!”

A ku ri xihontlovila xa nsele.

“Ndzi khomi loko u swi kota,” ku hlekula Phama.

Phama u vonile nkwama wa masingita. Endzeni a ku ri na nsuku lowu tiko a ri nga se tshama ri wu cela. Phama u vonile muyembeleri wa masingita. A tiva tinsimu hinkwato leti tiko a ri nga se tshama ri ti yimbelela. Phama u vonile na galankuna ra masingita. A ri tshikele mandza ya nsuku yo ringanela un’wana na un’wana.

“N’wina ndzi ta mi vuyela na rifuwo,” Phama a huwelela Kokwani le hansi.

Kokwani a koka moya.



Phama u tshovile xifaki lexi nga vupfa eka bembele. A xi oxa endzilweni. A n’okisa botere ehenhla ka tindoho ta nsuku kutani a hundzisa risema ri ya ehenhla ka tinhopfu ta xihontlovila.

“Ndzi tiseli xixokolameno xa mina lexikulu,” ku huwelela xihontlovila.

Kambe Phama se a nyamalarile.

Xikan'we na nkwama.

Na muyimbeleri.

Na galankula.

Ku katsa na xifaki a swi nyamalarile.



Phama a ri tsemile ri wela ehansi, wa swi vona.

# Phama na ndoho ya vele

Mutsari i Margot Bertelsmann • Mukombisi i Chantelle uye Burgen Thorne

## Mianakanyo yo bula hayona

Swi lulamile kuva Phama a teka xicelwa lexikulu a nga kombelangi? Hikokwalaho ka yini swi ri tano/hikwalaho ka yini swi nga ri tano?

Xana u ehleketa leswaku Phama u ta endla yini hi nkwama lowukulu wa xicelwa na xiyimbeleri?

Xana a wu ta va u endle yini swo hambana loko a wu ri Phama?



## Xifaniso

Dirowa xifaniso xa wena xa Phama na xihontlovila xo nyangatsa lexi kombisaka hilaha xihontlovila xi nga kula ha kona.



## Ku Hlaya

Vana fokisi ra marito! Langutisa swinene eka ntsheketo. Xana u nga kuma swilo leswi Phama kumbe xihontlovila xo nyangatsa xi swi nuheteleke, xi swi voneke kumbe ku swi nantswa?




## Ku Tsala

Anakanya leswaku Phama u tsala eka dayari ya yena siku leri a nga khandziya ehenhla ka xitlali xa mavele. U nga sungula hi ndlela leyi: Eka Dayari, A wu nge vhumbi leswi humeleleke namuntlha ...



## Ntirho wa vutshila

Hlayisa mikhuhle ya swifaki leswi u swi dyeke. Veka tipende ta mihlovo yo hambana eka tikhontheni titsongo. Peta mikhuhle ya swifaki ependeni, kutani u yi tirhisa ku kandziyisa tiphatheni to hambana na swivumbeko ephepheni.



## Encenyeta

Anakanya leswaku u xihontlovila xo nyangatsa. Jikajika ku fana na leswi a nga swi endlaka u ri karhi u ku "Nuhwetela-tshutela-hlekelela-humesa moya! Ndzi twa risema ra ngati ya xihlangi!" hi rito lerikulu, ra matimba.

